

Nolle cupis, Sanctus Augustinus ait, utrum cor rectum habeas? Tunc habes, cum in bono, quod facis, Deus tibi placet, & in malo, quod patieris, Deus tibi non displicet. *Qui sunt recti corde?* alibi inquit, *Qui voluntatem suam ad Dei voluntatem dirigit, non voluntatem Dei ad suam curvare conatur.* Nonnumquam voluntas Dei est, ut incolumis valeas, nonnumquam vero, ut morbo labores. Si cum vales, Dei voluntas tibi accidit perijucunda, & cum aegrotas, ea tibi amara videtur, cor rectum non est, & voluntas tua non est divina conformis. Cur? quia voluntatem tuam ad divinam voluntatis normam minime inistis; sed Dei voluntatem, quae recta est, detorque cupis ad tuam. Tua tibi corrigenda est, & Divina conformanda: tunc autem cor rectum habebis. *Auctor Anonymus.*

Nihil melius exprimit verum caracterem conformitatis voluntati divinae, quam suimetipsius abnegatio, quandoquidem ista complectitur omnes varias dispositiones, quae in ea requiruntur. Anima in hoc statu posita dicit Deo: *Deus meus es tu, in manibus tuis sortes meae.* Psalm. 30. O Deus, memet tibi penitus trado, ut rebus in omnibus pendam a te, & me sanctae voluntati tuae profus conformem. Me ipsum in manibus tuis statuo, ibique esse volo: *sicut oculi servorum in manibus dominorum suorum,* inquit Propheta Psalm. 122. Non video, non cupiam, non faciam, nisi quod me vis facere, cupere, videre; namque in iis omnibus, quae video, quae cupio, quae facio, non aliud inquiri, nisi ut faciam voluntatem tuam. *Idem.*

Ut intelligamus, quomodo voluntas nostra divina sit conformanda, tres tantum considerande sunt circumstantiae, quas in oratione, quam Dominus noster in horto effudit, deprehendimus: *Non quod ego volo: Marc. 14. Non sicut ego volo: Matth. 26. Non mea voluntas, sed tua fiat: Luc. 22.* Haec verba tria praestantissima continent documenta, ostendunt quippe voluntatem Dei finem esse omnis voluntatis, eiusdem normam esse, ac in eadem dominari omnino debere. Itaque in iis omnibus, quae tibi voluntas nostra proponit, ad Dei voluntatem, tamquam finem suum tendere debet; in iis, quae facit, eidem sese tamquam regulam debet conformare; denique in iis omnibus, quae accidunt, divino ejusdem imperio sese submittere debet. Et in iis, quae a nobis petit Deus, & in iis, quae ab eodem petimus eo modo, quo ipse vult, velle tandem debemus, quia ille vult. *Idem.*

Si ita affecti fuerimus, Dei voluntas nos summa cumulabit levitia in consolationibus interioribus; in ariditatibus, rediis, & distractionibus nos tuebitur; nostros inhibebit quoslibet, sibi nobis adversa congeriat: in dubietatibus, & incertitudinibus nos confirmabit; dissipabit timores nostros, & ut omnia verbo complectar, non in solida, immotaque petra constituet, ubi nihil nos concutere poterit. Omnis licet infernus seviat contra eam animam, quae id unum vult, quod vult Deus, frustra illi interitum minuitur; Deus enim pro eadem in hoc certamine fiat, quia illa Dei est, & vitam vivit profus divinam: *Sic affecti, despicari est.* S. Bernardus Tract. de diligendo Deo capit. decimo, inquit. *Idem.*

Hic autem vos monitos volo, cavendum esse, ne velimus, quod Deus vult, hac una de causa, quod ille vult, quod nos volumus, & eo modo, quo volumus. Licet voluntas ipsius nostris studiis, consiliis, cupiditatibus adversaretur, illi tamen nosmet

Ratio voluntatis nostrae cum Divina conformanda.

Nos debemus velle quod vult Deus, velle quod vult quod nos volumus.

submittere oporteret, tunc etiam cum studia nostra bona essent, sancta consilia, & perfecta in seipsis desideria; nam anima, quae Deum unice diligit, non aliud velle debet, nisi Dei vel voluntatem explere. *Idem.*

Nonne aequum est, Domine, ut, si, postquam calicem epotasti, omnemque illius amaritudinem ebibisti, in imo aliquid subsederit, nobis praeclearum actum exillimemus, si post te illud exhaurire liceat, ac tecum dicere: *Si possibile est, transcat a me Calix iste; verumtamen non sicut ego volo, sed sicut tu: Matth. 26.* vel cum Propheta Psalm. 115. *Calicem salutaris accipiam, & nomen Domini invocabo?* Hoc autem munere perfungimur, cum in eorum malorum varietate, quae, ut nobis accidant, permittit, in sanguineorum obitu, in morbis, iacturis bonorum, omnes hos casus respicimus, tamquam a te protectos, eoique de tua manu recipimus, cum resignatione perfecta, profundaque tranquillitate: *Abbas Trappensis in moralibus considerationibus in Evangelium S. Matthei.*

Nihil majus nobis solamen, tranquilloremque pacem afferre potest, quam si nosmet Providentiae, ac divinae Voluntati tradamus, omnes illius dispositiones amemus, neque aliam laetitiam, aliudve solatium agnoscamus, quam divinae, supremaeque hujus voluntatis imperio obtemperare; tunc enim quidquid praevidere possumus eventurum, constantiam nostram minime laesat. Intrepidus omnes fortunae calamitates respicimus, & nosmet confirmamus contra timorem earum rerum, quae nos istic accidere possunt, quantumvis durae sint, atque acerbae, parati ad recipiendum etiam cum gratiarum actione, quidquid a Dei manu nobis advenit, & cum pace profunda, quidquid amaritudinis ibi invenitur. Ad id autem nos scire sufficit, bona esse, ac mala inde proficisci, ut cum Sapiente dicere valeamus: *Non contrivabit iustum quidquid acciderit ei.* Prov. 12. *Idem.*

Cum eorum iacturam faciamus, cum quibus nobis jucundissima erat necessitudo, eventum hunc oculis fidei intueri debemus, Dei providentiam in perfecta submissione adorantes, Ipse absolute disponit de omnium hominum fato, & quemadmodum illis non consulit vitam elargiens, ita inconsultus eam eripit vitam. Ipse absolutus est Dominus, & quodcumque faciat, iure nullo de illo conquiri possumus. *Idem Tomo 1. de Jesu Maxime Chretianes.*

Vera pacis, atque tranquillitatis tuende ratio est, omnia vota nostra in Dei manu statuere, efficere, ut voluntas nostra divina cedat, ac paratos esse, ut ab optimis etiam consiliis recedamus, ubi invictus aliquis obex occurrit, & difficultates, quas in illis nanciscimur, liquido ostendat, illa a Deo minime probari. Profecto omnes sollicitudines, quibus in hoc mundo torquemur, inde solum proficiscuntur, quod Divini imperii submissi non sumus, & quod nosmet divinae Providentiae non tradimus. Admittitur, ut ita dicam, contra Providentiae dispositiones, illi resistimus, ejusque consiliis, quin ne intelligamus quidem, adversamur. Ita cum in statu violento versemur, sine requie in jugi motu, & perturbatione vitam traducimus, Centrum nostrum est cordis nostri Divino conformitatis: eaque unica ratio est, propter quam procellis, ac tempestatibus animus noster non agitur. Deus Rex est pacis: opus est, pacem ubique reperiri, ubi ille regnat, & non nisi tumultus, ac divisio esse potest, ubi ipse non dominatur. *Idem.*

Suave est tradere voluntati.

CON-

CONSCIENCIA

BONA, ET MALA.

CONSCIENCIA ERRONEA.

Mala Conscientia tormentum, bona pax, & tranquillitas.

MONITUM.

Cum hoc in titulo de nocua, innocuaque Conscientia, de pace, atque tranquillitate, quae bone adhaeret, deque cruciatibus, quos mala parit, mihi loquendum sit; illud primum attendendum censui, ne ea, quae ad noxiam pertinent Conscientiam cum mentis caecitate, & cordis induratione, quae inde proficiscuntur, confunderentur: quamquam tria haec argumenta, de quibus subtiliter titulis locuti sumus, quodam quasi vinculo inter se continentur, ita ut de quovis singulari ea dici possint, quae de aliis dicuntur. Hic autem circa varias Conscientiae species versabitur; erroneae, quam sibi quisque fingit falsa principia supponens, istique mordicus inherens; illius, cuius error minus est liber; Conscientiae deceptae; Scrupuloae: penitus ferme extinctae; & circa tumultus, & cruciatum male conscientiae, non tranquillitatem, qua viri boni fruuntur, quibus nullum scelus sua exprobrat conscientia.

Cum argumentum hoc angustiis sane finibus contineatur, facere minime potui quominus eandem sepe tandem incidam; quippe auctores, ex quibus ista collegi, in iisdem fere sententiis conveniunt. Illorum vero, quibus hujus metis collectaneis uti placuerit, intererit ea, quae argumento sibi proposito erunt inutilia, decerpere: praesertim vero multa nanciscuntur ad ostendendum miserum vocis conscientiae statum, quae in hac vita maturato inferni supplicii torquetur.

PARAGRAPHUS PRIMUS.

Varia Concionum hujus argumenti Systemata.

Vulgatum argumentum, quod de conscientia generatim pertractetur, est erronea conscientia, argumentum procul dubio utilissimum, & maxime necessarium, & quod in partes duas dividi potest. Prima nihil tam commune, & nihilominus tam male fundamentum, quam erronea conscientia; altera nihil magis necessarium, & nihilominus nihil infrequenter, ac difficilissimum, quam erroneae conscientiae mederi.

Pars prior. Non agimus hoc in loco de peccatis illis, quae facile agnoscuntur, & quae illico horrorem cient; veluti manifesta, gravissimaeque injustitia, turpissima libidines, insignes ultiones, terrerim proditioes, atroces calumniae, aliaque id genus, quibus difficile est, ut acquiescat conscientia: quae potius penitus extincta dicenda est, cum hujusmodi scelera non horremus, eaque sine ullo conscientiae stimulo perpetramus. Verumtamen non desunt alia longe plurima, ubi difficile non est erroneam sibi conscientiam efficere: exempli gratia nonne viri nobiles honori sibi vertunt acceptam injuriam repellere, & inimicorum cruorem effundere? Contra Evangelii praeceptum conscientiam nobis conformamus hanc praetextentes causam, quod in mortalium luce sine honore versari non possumus, inutilis formalitates, & more, quae efficiunt, ut iudicio certantes sumptibus conscientiamur? Hae omnia licere fallaci conscientia putamus. In negotiis quot versatur? credimus in alios acceptum detrimentum posse converti. In Ecclesiasticis quot palliat simoniae? in mundi amatoribus, quae licentia, luxus, profusio? Nihil hoc vulgati: attamen nihil hoc pejus fundamentum. Haec autem praedicta, & fallaces sententiae, ex quibus conscientia fallax oboritur, his praesertim rationibus inaniuntur.

Primum quidem commentitiae necessitati, putamus enim aliter fieri non posse. Ita sexcenti minime servant jejunia, ac impune Quadragesimam violant ob leviuscula incommoda, ac necessitatem adesse putant, ubi ne umbra quietem necessitatis adest, ideoque sibi conscientiae quietem conciliant. Similiter credunt generis sui dignitatem, & gradum luxu, immodicisque sumptibus esse tuendum &c. Secundo consuetudini insistent, quasi licentiam, quam sibi arrogat Mundus, contra Dei Leges praescriptionem facere possit. Ita consuetudo probare

videtur, morem hunc vestium immodestiarum, turpes haec nuditates, necessitudines has nimis teneras, ubi credunt se facere, quod alii faciunt, & in hac re libidinis suae conscientiam conformant. 3. Bonorum virorum exemplo, & sententiae, quae cum nostra congruere existimatur, adherent; consulunt Doctores, ut eorum auctoritate seipos confirmet, sed rem dissimulant, & circumstantias imitantur &c.

Pars altera. Nihil difficilissimum, & nihilominus nihil magis necessarium est, quam fallacem conscientiam reformare, illam ab errore evocare, ac demum fallaciae praedicta, quae animo inhaerent, convellere. Necessitas quidem rei veritatem agnoscendi satis per se patet; in hoc enim salus nostra versatur, & haec fallax conscientia, cum per se culpa minime vacet, excusare nequit peccata, quorum est causa, neque nos coram Deo tueri; verum in hoc insistendum est, ut difficultas tanto huic malo remedium afferendum innotescat. Haec autem difficultas triplici ex capite sumitur. 1. Ex habitu, qui per peccatum contrahitur, namque cum nobis persuadeamus aliquid licitum esse, quod etiam utile, ac jucundum videtur, hoc saepe facimus; deinde vero omnia ea difficultas, quae praevalens quilibet habitus infringitur, in hoc etiam infringendo invenitur: immo maiori adhuc cum labore vincitur; quippe corrigendus est error, & illuso, in qua dicitur versari sumus, & quem abjicere minime vellemus; & corrigendus est etiam amor ille, quo quaedam vitia prosequimur, ubi illis improbum secuti duces nosmet tradidimus.

2. Ex quadam insensibilitate, in quam labimur, quae efficit, ut nullum conscientiae stimulum sentientes in rebus, a quibus peccatum abesse putamus, fere neque intelligimus quidem nobis ex eo statu esse emergendum; nihil nos urget; errorem omnem procul abiecit viderimus; vel si illum adhuc agnoscimus, non movemur. 3. Ex positiva pertinacia, qua mordicus sententiam nostram tueri gloriamur, eamque ita insipienter probare contendimus, ut de errore in caecitatem prorruamus; deinde vero de abyssi in abyssum: unde nemo sese recipere potest, nisi summa Dei misericordia, quod rarissime accidit, nos inde divellat. Hinc inferendum est, nihil nobis adeo pertimescendum esse, quam nobismet fallacem conscientiam effingere; nihilque nobis diligentius cavendum, propter gravissimum salutis aeternae periculum, cui sumus

